

**БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ**

**ДОМ НАРОДА**

Комисија за спољну и трговинску  
политику, царине, саобраћај и  
комуникације



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE**

**DOM NARODA**

Komisija za vanjsku i trgovinsku  
politiku, carine, saobraćaj i komunikacije  
Povjerenstvo za vanjsku i trgovinsku  
politiku, carine, promet i veze

---

Broj/Broj: 02/2-50-8-23-3/11  
Сарајево/Sarajevo, 26. 7. 2011.

**ORIJENTACIONI PLAN RADA  
KOMISIJE ZA VANJSKU I TRGOVINSKU POLITIKU, CARINE,  
SAOBRAĆAJ I KOMUNIKACIJE  
DOMA NARODA PSBiH  
ZA 2011. GODINU**

**Sarajevo, juni 2011. godine**

**PLAN RADA**  
**KOMISIJE ZA VANJSKU I TRGOVINSKU POLITIKU, CARINE,**  
**SAOBRAĆAJ I KOMUNIKACIJE**  
**DOMA NARODA PSBiH**  
**U 2011. GODINI**

<b>UVOD</b>
-------------

Osnovni cilj rada Komisije za vanjsku i trgovinsku politiku, carine, saobraćaj i komunikacije Doma naroda (u daljnjem tekstu: Komisija) jeste da osigura kvalitetnu pripremu rada i što bolje i efikasnije funkcioniranje Doma naroda, a time i Parlamentarne skupštine BiH, kroz provođenje općih opredjeljenja zacrtanih Ustavom BiH i Dejtonskim mirovnim sporazumom te politikom koju su utvrdili Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda PSBiH unutar države i njenim međunarodnim obavezama.

Djelokrug Komisije određen je članom 27. Poslovnika Doma naroda PSBiH prema kojem:

“Komisija za vanjsku i trgovinsku politiku, carine, saobraćaj i komunikacije:

- prati vođenje vanjske politike utvrđene od Predsjedništva BiH i Vijeća ministara BiH;
- razmatra pitanja saradnje BiH s Ujedinjenim narodima i međunarodnom zajednicom;
- razmatra pitanja međuparlamentarne saradnje s odgovarajućim komisijama parlamenata drugih zemalja;
- razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- razmatra pitanja rada sa institucijama BiH, kompetentnim za pitanja vanjskih poslova i međunarodnih odnosa;
- razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- razmatra pitanja saglasnosti za ratificiranje međunarodnih ugovora, sporazuma i konvencija;
- razmatra pitanja otkazivanja međunarodnih ugovora, sporazuma i konvencija;
- razmatra pitanja koja se odnose na vanjskotrgovinsku politiku;
- razmatra pitanja koja se odnose na sporazume o međunarodnoj trgovini;
- razmatra pitanja koja se odnose na carinsku politiku;
- razmatra pitanja koja se odnose na tarife, propise i zakone iz svoje oblasti;
- razmatra pitanja koja se odnose na međunarodne obaveze BiH;
- razmatra odnose s međunarodnim trgovinskim institucijama;
- razmatra pitanja koja se odnose na putne isprave;
- razmatra pitanja koja se odnose na boravak i kretanje stranaca;

- razmatra pitanja koja se odnose na uspostavljanje i funkcioniranje zajedničkih i međunarodnih komunikacija;
- razmatra pitanja koja se odnose na reguliranje međuentitetskog saobraćaja;
- razmatra pitanja koja se odnose na kontrolu zračnog saobraćaja;
- razmatra pitanja koja se odnose na kontrolu frekvencija; te
- razmatra i druga pitanja iz oblasti međunarodnih i vanjskih poslova, vanjske trgovine, carina, saobraćaja i komunikacija.”

Obaveza izrade i dostavljanja orijentacionog plana rada za sve komisije predviđena je članom 54. stav (2) Poslovnika Doma naroda.

Kao prioritete u Programu rada Doma naroda, a u domenu nadležnosti Komisije za vanjsku i trgovinsku politiku, carine, saobraćaj i komunikacije, predlažemo:

- Blagovremeno donošenje zakona predviđeno dinamikom rada institucija Bosne i Hercegovine za 2011. godinu;
- Blagovremno razmatranje zahtjeva za davanje saglasnosti za ratificiranje međunarodnih sporazuma;
- Blagovremno razmatranje izvještaja i o radu i drugih materijala dostavljenih od institucija Bosne i Hercegovine;
- Praćenje aktivnosti nadležnih institucija u procesu realizacije obaveza preuzetih potpisivanjem Sporazuma o stabilizaciji i pridruživanju s EU;
- Razmatranje vanjskotrgovinske politike BiH i provođenja međunarodnih trgovinskih ugovora, naročito ugovora o slobodnoj trgovini;
- Izvršavanje obaveza u međunarodnim i regionalnim organizacijama, u bilateralnim odnosima, obaveza Parlamentarne skupštine BiH prema drugim parlamentima, te drugih obaveza predviđenih za ovu godinu;
- Praćenje ostalih aktivnosti institucija Bosne i Hercegovine u domenu vanjske politike, vanjske trgovine, saobraćaja i komunikacija.

Ovaj Plan rada Komisije sačinjen je na osnovu:

- prijedloga zakona, međunarodnih sporazuma i drugih akata koji su u međuvremenu dostavljeni kao nadležnoj komisiji na razmatranje,
- materijala koje je razmatralo i usvojilo Vijeće ministara BiH i koji će biti u narednom periodu dostavljeni PSBiH a koji po svome sadržaju spadaju u nadležnost Komisije, i
- procjene aktivnosti institucija Bosne i Hercegovne koje proizilaze iz obaveza definiranih odgovarajućim zakonskim aktima ili obaveza preuzetih međunarodnim sporazumima, a koji po svom sadržaju spadaju u nadležnost Komisije.

Za uspješnu realizaciju Plana rada od ključnog značaja je pravovremeno dostavljanje materijala prije svega od Vijeća ministara BiH i Predsjedništva BiH ali i svih drugih nadležnih institucija.

## PLAN RADA

- **Razmatranje prijedloga zakona iz nadležnosti Komisije:**

- *Prijedlog zakona o međunarodnom i međuentitetskom drumskom prijevozu*
- *Prijedlog zakona o vinu Bosne i Hercegovine*
- *Prijedlog zakona o izmjenama i dopunama Zakona o mineralnim đubrivima*
- *Prijedlog zakona o izmjenama i dopunama Zakona o carinskoj politici BiH*
- *Prijedlog zakona o izmjenama i dopunama Zakona o Javnom RTV sistemu BiH*
- *Prijedlog zakona o putnim ispravama Bosne i Hercegovine*
- *Prijedlog zakona o izmjenama i dopunama Zakona o Agenciji za unapređenje stranih investicija BiH*
- *Prijedlog zakona o državnoj pomoći u BiH*
- *Prijedlog zakona o zaštiti okoliša u BiH*
- *Prijedlog zakona o međunarodnoj i međuentitetskoj unutrašnjoj plovidbi BiH*
- *Prijedlog zakona o javnim putevima BiH*
- *Prijedlog zakona o izmjenama i dopunama Zakona o zaštiti potrošača u BiH*
- *Prijedlog zakona o carinskoj tarifi Bosne i Hercegovine*
- *Prijedlog zakona o organskoj proizvodnji u BiH*
- *Prijedlog zakona o izmjenama i dopunama zakona o poljoprivredi, ishrani i ruralnom razvoju BiH*
- *Prijedlog zakona o postupku zaključivanja i izvršavanja međunarodnih ugovora*
- *Prijedlog zakona o poštama Bosne i Hercegovine*
- *Prijedlog zakona o plinu*

- **Razmatranje davanja saglasnosti za ratifikaciju međunarodnih ugovora, sporazuma i konvencija iz nadležnosti Komisije:**

- *Razmatranje davanja saglasnosti za ratificiranje Sporazuma o grantu zasnovanom na programu finansijske podrške holandske konstitucije između Ministarstva finansija i trezora BiH i Ministarstva vanjskih poslova Kraljevine Holandije za finansiranje projekta, br. KGS08/BA/3/1;*
- *Razmatranje davanja saglasnosti za ratificiranje Sporazuma o kreditu između Bosne i Hercegovine, koju zastupa Ministarstvo finansija i trezora BiH, i UniCredit Bank Austria AG za projekat „Opremanje kantonarne bolnice u Orašju“;*
- *Razmatranje davanja saglasnosti za ratificiranje Memoranduma o razumijevanju između Ekonomske komisije Ujedinjenih naroda za Evropu (UNECE) i Nacionalne institucije učesnice (NPI) – Ministarstva vanjske trgovine i ekonomskih odnosa BiH s ciljem provođenja projekta „Finansiranje investicija u energetska efikasnost za ublažavanje klimatskih promjena“;*

- *Razmatranje davanja saglasnosti za ratificiranje Sporazuma o finansiranju između Bosne i Hercegovine i Komisije Evropskih zajednica u pogledu Državnog programa (Dio I.) za 2009. godinu u okviru Instrumenta za pretpristupnu pomoć;*
- *Razmatranje davanja saglasnosti za ratificiranje Sporazuma o finansiranju između Bosne i Hercegovine i Evropske komisije koji se odnosi na Državni program (Dio II.) za 2009. godinu u okviru Instrumenta za pretpristupnu pomoć;*
- *Razmatranje davanja saglasnosti za ratificiranje Ugovora o finansiranju između Bosne i Hercegovine i Komisije Evropskih zajednica o međugraničnom programu Bosna i Hercegovina – Crna Gora u sklopu IPA-ine međugranične saradnje za 2009. godinu;*
- *Razmatranje davanja saglasnosti za ratificiranje Sporazuma o grantu – Općinski nivo podrške infrastrukturnim projektima – u sklopu Višekorisničkog programa IPA-e 2008. između Bosne i Hercegovine i Evropske investicione banke;*
- *Razmatranje davanja saglasnosti za ratificiranje Okvirnog finansijskog sporazuma između Bosne i Hercegovine i Razvojne banke Vijeća Evrope;*
- *Razmatranje davanja saglasnosti za ratificiranje Sporazuma o garanciji za zajam namijenjen preduzeću „Vodovod i kanalizacija“, A.D. Bijeljina, između Bosne i Hercegovine i Evropske banke za obnovu i razvoj;*
- *Razmatranje davanja saglasnosti za ratificiranje Izmjena i dopuna ugovora broj 1 za Ugovor o zajmu, od 9. decembra 2005. (Regionalni željeznički projekat) između Bosne i Hercegovine i Evropske banke za obnovu i razvoj;*
- *Razmatranje davanja saglasnosti za ratificiranje Sporazuma između Vijeća ministara BiH i Vlade Države Katar o izbjegavanju dvostrukog oporezivanja i sprečavanju utaje poreza u odnosu na poreze na dohodak;*
- *Razmatranje davanja saglasnosti za ratificiranje amandmana na Sporazum između Vijeća ministara BiH, koje predstavlja Ministarstvo finansija i trezora BiH, i Vlade Republike Austrije, koju predstavlja federalni ministar finansija, o finansijskoj saradnji;*
- *Razmatranje davanja saglasnosti za ratificiranje Sporazuma o finansiranju između Bosne i Hercegovine i Komisije Evropskih zajednica u vezi s programom finansiranja učešća Bosne i Hercegovine u ERDF transnacionalnim programima evropske teritorijalne saradnje „Jugoistočna Evropa“ i „Mediteran“ u okviru Instrumenta pretpristupne pomoći (IPA) - komponenta Prekogranična saradnja za 2009. godinu;*
- *Razmatranje davanja saglasnosti za ratificiranje Ugovora o garanciji za zajam za Međunarodni aerodrom Sarajevo između države Bosne i Hercegovine i Evropske banke za obnovu i razvoj;*
- *Razmatranje davanja saglasnosti za ratificiranje Ugovora o finansiranju između Bosne i Hercegovine i Republike Srpske i Evropske investicione banke – Voda i sanitacija RS;*
- *Razmatranje davanja saglasnosti za ratificiranje Memoranduma između Vijeća ministara Republike Albanije i Vijeća ministara BiH, Vlade Republike Makedonije, Vlade Republike Srbije, Vlade Republike Slovenije, Vlade Republike Hrvatske i Vlade Crne Gore o podmirenju duga Republike Albanije koji se odnosi na obračun iznosa na računima na*

- osnovu razmjene roba između Republike Albanije i bivše Socijalističke Federativne Republike Jugoslavije;*
- *Razmatranje davanja saglasnosti za ratificiranje Ugovora o zajmu između Evropske unije kao zajmodavca i Bosne i Hercegovine kao zajmoprimca i Centralne banke Bosne i Hercegovine kao agenta za plaćanje zajmoprimca;*
  - *Razmatranje davanja saglasnosti za ratificiranje Sporazuma o kreditu između Bosne i Hercegovine, koju zastupa Ministarstvo finansija i trezora BiH, i UniCredit Bank Austria AG za finansiranje rekonstrukcije i proširenja kanalizacionog sistema u Gradišci;*
  - *Razmatranje davanja saglasnosti za ratificiranje Ugovora o finansiranju između Bosne i Hercegovine i Komisije Evropskih zajednica o međugraničnom programu Bosna i Hercegovina - Srbija u sklopu IPA-ine međugranične saradnje za 2009. godinu;*
  - *Razmatranje davanja saglasnosti za ratificiranje Sporazuma o finansiranju između Bosne i Hercegovine i Evropske komisije o prekograničnom programu Hrvatska - Bosna i Hercegovina u okviru IPA-ine komponente Prekogranična saradnja za 2009. godinu;*
  - *Razmatranje davanja saglasnosti za ratificiranje Sporazuma o finansiranju između Bosne i Hercegovine i Komisije Evropskih zajednica u vezi s višekorisničkim programom za Tempus u sklopu IPA-ine komponente Pomoć u tranziciji i izgradnji institucija za 2009. godinu;*
  - *Razmatranje davanja saglasnosti za ratificiranje Sporazuma o kreditu za finansiranje Projekta nabavke opreme za Rad Sarajevo između Bosne i Hercegovine, koju zastupa Ministarstvo finansija i trezora BiH, i UniCredit Bank Austria AG;*
  - *Razmatranje davanja saglasnosti za ratificiranje Konvencije između Bosne i Hercegovine i Republike Austrije o izbjegavanju dvostrukog oporezivanja u pogledu poreza na dohodak i imovinu;*
  - *Razmatranje davanja saglasnosti za ratificiranje Sporazuma o zračnom saobraćaju između Vijeća ministara BiH i Vlade Države Kuvajt;*
  - *Razmatranje davanja saglasnosti za ratificiranje Sporazuma između Vijeća ministara BiH i Vlade Republike Grčke o međunarodnom drumskom prijevozu putnika i roba;*
  - *Razmatranje davanja saglasnosti za ratificiranje Sporazuma između Vijeća ministara BiH i Vlade Republike Hrvatske o saradnji u oblasti informatičkog društva i elektronskih komunikacija (telekomunikacija);*
  - *Razmatranje davanja saglasnosti za ratificiranje Sporazuma između Vijeća ministara BiH i Vlade Republike Hrvatske o načinu finansiranja i izrade glavnog projekta, te vođenja upravnih postupaka za procjenu uticaja na okolinu, pribavljanje lokacijskih dozvola, saglasnosti i građevinskih dozvola za projekat „Obnova i modernizacija plovnog puta rijeke Save od Račanovaca do Siska“;*
  - *Razmatranje davanja saglasnosti za ratificiranje Sporazuma između Vijeća ministara BiH i Vlade Republike Hrvatske o izgradnji međudržavnog mosta preko rijeke Save kod Svilaja i priključnih graničnih dionica Autoputa na Koridoru Vc;*
  - *Razmatranje davanja saglasnosti za ratificiranje Sporazuma između Vijeća ministara BiH i Vlade Države Kuvajt o saradnji u oblasti turizma;*

- *Razmatranje davanja saglasnosti za ratificiranje Protokola o zaštiti od poplava uz Okvirni sporazum o slivu rijeke Save;*
- *Razmatranje davanja saglasnosti za ratificiranje Pekinškog amandmana (1999.) na Montrealski protokol dogovoren na 11. sastanku potpisnica (Peking, od 29. novembra do 3. decembra 1999.);*
- *Razmatranje davanja saglasnosti za ratificiranje Protokola između Bosne i Hercegovine i Rumunije o izmjenama i dopunama na Sporazum između Bosne i Hercegovine i Rumunije o promoviranju i recipročnoj zaštiti ulaganja;*
- *Razmatranje davanja saglasnosti za ratificiranje Sporazuma između Ministarstva vanjske trgovine i ekonomskih odnosa BiH i Ministarstva poljoprivrede i ruralnog razvoja Republike Poljske o saradnji u oblasti poljoprivrede;*
- *Razmatranje davanja saglasnosti za ratificiranje Sporazuma između Vijeća ministara BiH i Vlade Republike Srbije o saradnji u oblasti turizma;*
- *Razmatranje davanja saglasnosti za ratificiranje Najrobijskog ugovora o zaštiti olimpijskog simbola, od 26. septembra 1981. godine;*
- *Razmatranje davanja saglasnosti za ratificiranje Sporazuma između Vijeća ministara BiH i Vlade Republike Srbije o veterinarskoj saradnji;*
- *Razmatranje davanja saglasnosti za ratificiranje Ugovora o patentnom pravu (usvojen u Ženevi 1. juna 2000.);*
- *Razmatranje davanja saglasnosti za ratificiranje Sporazuma o ustanovljenju Međunarodne klasifikacije figurativnih elemenata žigova, sačinjen u Beču 12. juna 1973., sa izmjenama od 1. oktobra 1985.;*
- *Razmatranje davanja saglasnosti za ratificiranje Ugovora između Bosne i Hercegovine i Crne Gore o pravnoj pomoći u građanskim i krivičnim stvarima;*
- *Razmatranje davanja saglasnosti za ratificiranje Ugovora između Bosne i Hercegovine i Crne Gore o međusobnom izvršavanju sudskih odluka u krivičnim stvarima;*
- *Razmatranje davanja saglasnosti za ratificiranje Dvogodišnjeg sporazuma o saradnji (BCA) između Bosne i Hercegovine i Regionalnog ureda Svjetske zdravstvene organizacije za Evropu;*
- *Razmatranje davanja saglasnosti za ratificiranje Evropske konvencije o zaštiti audiovizuelne baštine, Strazbur, 8.11.2001.;*
- *Razmatranje davanja saglasnosti za ratificiranje Evropske konvencije o krajoliku, Firenca, 20.10.2000.;*
- *Razmatranje davanja saglasnosti za ratificiranje Sporazuma o saradnji u oblasti kulture između Vijeća ministara BiH i Vlade Rumunije;*
- *Razmatranje davanja saglasnosti za ratificiranje Sporazuma između Vijeća ministara BiH i Vlade Malezije o saradnji u oblasti kulture;*
- *Razmatranje davanja saglasnosti za ratificiranje Konvencije o zaštiti materinstva br. 3 iz 1919. godine Međunarodne organizacije rada;*
- *Razmatranje davanja saglasnosti za ratificiranje Sporazuma između Vijeća ministara BiH i Vlade Crne Gore o saradnji na poslovima iz oblasti geodezije;*

- *Razmatranje davanja saglasnosti za ratificiranje Memoranduma o razumijevanju između Evropske unije i Bosne i Hercegovine o učešću Bosne i Hercegovine u Programu Kultura (2007. - 2013.);*
- *Razmatranje davanja saglasnosti za ratificiranje Sporazuma o izmjeni Sporazuma o socijalnom osiguranju između Bosne i Hercegovine i Republike Slovenije;*
- *Razmatranje davanja saglasnosti za ratificiranje Protokola između Vijeća ministara BiH i Vlade Malte o provođenju Sporazuma između Evropske zajednice i Bosne i Hercegovine o readmisiji lica koja borave bez dozvole (Protokol);*
- *Razmatranje davanja saglasnosti za ratificiranje Memoranduma o razumijevanju za saradnju po pitanjima sigurnosti između Vijeća ministara BiH i Vlade Države Katar;*
- *Razmatranje davanja saglasnosti za ratificiranje Sporazuma između Vijeća ministara BiH i Vlade Republike Srbije o policijskoj saradnji;*
- *Razmatranje davanja saglasnosti za ratificiranje Sporazuma između Vijeća ministara BiH i Vlade Crne Gore o graničnim prijelazima za međunarodni saobraćaj;*
- *Razmatranje davanja saglasnosti za ratificiranje Sporazuma između Vijeća ministara BiH i Vlade Crne Gore o graničnim prijelazima za pogranični saobraćaj;*
- *Razmatranje davanja saglasnosti za ratificiranje Sporazuma između Vijeća ministara BiH i Vlade Republike Hrvatske o policijskoj saradnji u borbi protiv prekograničnog kriminala;*
- *Razmatranje davanja saglasnosti za ratificiranje Sporazuma između Vijeća ministara BiH i Vlade Republike Srbije o saradnji u zaštiti od prirodnih i drugih katastrofa;*
- *Razmatranje davanja saglasnosti za ratificiranje Sporazuma između Vijeća ministara BiH i Vlade Hašemitske Kraljevine Jordan o saradnji u borbi protiv kriminala, posebno terorizma, ilegalne trgovine drogom i organiziranog kriminala;*
- *Razmatranje davanja saglasnosti za ratificiranje Protokola između Vijeća ministara BiH i Savezne vlade Austrije o provođenju Sporazuma između Bosne i Hercegovine i Evropske zajednice o readmisiji lica koja borave bez dozvole (Provedbeni protokol);*
- *Razmatranje davanja saglasnosti za ratificiranje Sporazuma između Vijeća ministara BiH i Vlade Republike Hrvatske o predaji i prihvatu osoba kojih je ulazak ili boravak nezakonit i Protokola između Ministarstva sigurnosti BiH i Ministarstva unutarnjih poslova Republike Hrvatske o provođenju Sporazuma između Vijeća ministara BiH i Vlade Republike Hrvatske o predaji i prihvatu osoba kojih je ulazak ili boravak nezakonit;*
- *Razmatranje davanja saglasnosti za ratificiranje Sporazuma između Bosne i Hercegovine i Kraljevine Španije o saradnji u borbi protiv kriminala, posebno terorizma, nezakonite trgovine drogama i organiziranog kriminala;*
- *Razmatranje davanja saglasnosti za ratificiranje Protokola o privilegijama i imunitetima Centra za provođenje zakona u Jugoistočnoj Evropi;*
- *Razmatranje davanja saglasnosti za ratificiranje Sporazuma između Vijeća ministara BiH i Vlade Republike Bugarske o međusobnoj zaštiti i razmjeni tajnih podataka;*
- *Razmatranje davanja saglasnosti za ratificiranje Fakultativnog protokola uz Međunarodni pakt o ekonomskim, socijalnim i kulturnim pravima, usvojen u Njujorku 10. decembra 2008.;*



- *Razmatranje davanja saglasnosti za ratificiranje Konvencije Vijeća Evrope o pristupu službenim dokumentima;*
- *Razmatranje davanja saglasnosti za ratificiranje Sporazuma o saradnji u oblasti odbrane između Vijeća ministara BiH i Vlade Crne Gore;*
- *Razmatranje davanja saglasnosti za ratificiranje Sporazuma o Koordinacionom komitetu u okviru Ministarskog odbrambenog procesa u Jugoistočnoj Evropi;*
- *Razmatranje davanja saglasnosti za ratificiranje Sporazuma između Bosne i Hercegovine i Kraljevine Belgije o plaćenom radu izdržanih članova porodice diplomatskog i konzularnog osoblja;*
- *Razmatranje davanja saglasnosti za ratificiranje Sporazuma između Vijeća ministara BiH i Vlade Narodne Demokratske Republike Alžir o ukidanju viza za nosioce diplomatskih pasoša;*
- *Razmatranje davanja saglasnosti za ratificiranje Sporazuma u vezi s provođenjem projekta „Uspostavljanje kalibracione laboratorije za električne veličine i laboratorije za ispitivanje sigurnosti električnih uređaja i elektromagnetne kompatibilnosti“ između Vijeća ministara BiH, koje zastupa Institut za mjeriteljstvo BiH, i Vlade Republike Slovenije, koju zastupa Centar za međunarodnu saradnju i razvoj;*
- *Razmatranje davanja saglasnosti za ratificiranje Sporazuma o zajmu između Bosne i Hercegovine i OPEC Fonda za međunarodni razvoj – Projekat stambene obnove;*
- *Razmatranje davanja saglasnosti za ratificiranje Finansijskog sporazuma između Bosne i Hercegovine i Komisije Evropskih zajednica koji se odnosi na Državni program (I dio) za 2008. godinu u skladu sa Instrumentom za pretpristupnu pomoć;*
- *Razmatranje davanja saglasnosti za ratificiranje Sporazuma između Vijeća ministara BiH i Vlade Savezne Republike Njemačke o finansijskoj saradnji u 2009. godini;*
- *Razmatranje davanja saglasnosti za ratificiranje Kreditnog sporazuma za finansiranje Projekta nabavke opreme i pružanja usluga za dvije bolnice u Sarajevu između Bosne i Hercegovine, koju predstavlja Ministarstvo finansija i trezora BiH, i Unicredit Bank Austria AG;*
- *Razmatranje davanja saglasnosti za ratificiranje Sporazuma između Vijeća ministara BiH i Kabineta ministara Ukrajine o uslovima uzajamnog putovanja državljana;*

- **Izveštaji o radu**

- *Razmatranje Izveštaja o radu Vijeća ministra za 2010. godinu u dijelu nadležnosti Komisije;*
- *Razmatranje Izveštaja o radu Državne regulatorne komisije za električnu energiju u 2010.;*
- *Razmatranje Izveštaja o radu i finansijskog izvještaja Agencije za poštanski saobraćaj Bosne i Hercegovine za 2010. godinu;*
- *Razmatranje Izveštaja o radu Upravnog odbora Izvozno-kreditne agencije BiH za 2010. godinu;*
- *Razmatranje Izveštaja o radu i poslovanju BHRT-a za 2010. godinu;*
- *Razmatranje Izveštaja iz oblasti poljoprivrede za Bosnu i Hercegovinu za 2009. godinu;*
- *Razmatranje Izveštaja iz oblasti poljoprivrede za Bosnu i Hercegovinu za 2010. godinu;*
- *Razmatranje Izveštaja o realizaciji mjera za poboljšanje uslova poslovanja u poljoprivrednoj proizvodnji i prehrambenoj industriji Bosne i Hercegovine;*
- *Analiza vanjskotrgovinske razmjene Bosne i Hercegovine u 2010. i 2011. godini;*
- *Izveštaj o aktivnostima na Projektu „Autoput na Koridoru 5c“ i plan narednih aktivnosti;*
- *Razmatranje proizvodno-potrošnih i vanjskotrgovinskih bilansa za 2009. godinu;*

- **Imenovanja**

- *Imenovanje članova Državne regulatorne komisije za električnu energiju;*
- *Imenovanja članova Upravnog odbora Javnog radio-televizijskog servisa BiH;*
- *Imenovanje članova Vijeća Regulatorne agencije za komunikacije.*

- **Ostale aktivnosti**

- *Razmatranje prijedloga svih drugih zakona iz nadležnosti Komisije koji budu dostavljeni u parlamentarnu proceduru;*
- *Razmatranje davanja saglasnosti za ratifikaciju svih drugih međunarodnih ugovora, sporazuma i konvencija koji budu dostavljeni u proceduru;*
- *Praćenje provođenju sporazuma o slobodnoj trgovini i drugih međunarodnih obaveza;*
- *Organizovanje tematskih sjednica, samostalno ili u saradnji sa nadležnim komisijama PD;*
- *Razmatranje aktivnosti za podsticanje privrednog rasta, povećanje izvoza, smanjenje trgovinskog deficita i osiguravanja dodatnih povoljnosti za strana ulaganja;*
- *Razmatranje informacija nadležnih ministarstava Vijeća ministara BiH koje su u nadležnosti Komisije;*
- *Učešće u razgovorima s delegacijama drugih državnih parlamenata, te predstavljanje Parlamentarne skupštine BiH u zemlji i inozemstvu;*
- *Razmatranje informacija i dopisa Ministarstva vanjskih poslova BiH;*
- *Razmatranje izvještaja o rezultatima posjeta delegacija Parlamentarne skupštine BiH u međunarodnim aktivnostima – koji budu dostavljeni Komisiji;*
- *Razmatranje Izveštaja o radu i Orijentacionog plana rada Komisije;*
- *Razmatranje drugih materijala koji su, prema Poslovniku, u nadležnosti Komisije.*

## **ZAKLJUČAK**

Plan rada za 2011. godinu dat je okvirno, prema očekivanim aktivnostima na nivou BiH i u skladu s potrebom za koordinacijom s drugim nadležnim organima.

Rokovi za razmatranje materijala zavisit će od prijema materijala od institucija koje ih upućuju i zaduženja od Kolegija Doma naroda, odnosno Zajedničkog kolegija oba doma.

Nove obaveze koje se mogu pojaviti, a koje nisu predviđene ovim planom, bit će blagovremeno u njega uvrštene, odnosno blagovremeno razmatrane.

Izmjene Poslovnika Doma naroda, koje su u proceduri, i koje mogu uticati na nadležnost Komisije adekvatno će se odraziti na sadržaj i program rada.

Predsjedavajući Komisije

Hasan Bećirović